

Thursday, August 27, 2026

Time - 2:30pm - 2:35pm

AKASHVANI AIZAWL

REGIONAL NEWS UNIT

CM-SESSION

Chief Minister Pu Lalduhoma'n Mizo Peace accord chungchangah MNF chu debate puiah a sawm

Vawiin Assembly Session-a MNF MLA Dr. R. Lalthangliana'n calling attention motion a putluhah, tunhnaia Law Minister ni bawk, Chief Minister Pu Lalduhoma'n Govt. Mizoram Law College-a thu a sawinaah kum 1966-a Memorandum of Settlement sign chu Mizoram leh India inremna ni lovin Mziorama party pakhat leh Home Ministry inremna a ni a, a ropui tehchiam lo tia a sawi chuan Mizote inkara inhniaalna a siam a, hei hi reh tawh se a tih thu a sawi.

Hemi chungchang hi House Leader, Chief Minister Pu Lalduhoma chuan chhangin, hemi chungchang hi engtiklai pawhin an sawifiah thei reng a ti a, hemi chungchang hi an sawi fo dawn a nih chuan Mizoram mipuite chuan thudik an hriat theih nan MNF chu an party atangin an duh ber thlang chhuak se, amah nena debate neihpui turin rawtna a siam tih a sawi a, MNF President Pu Zoramthanga leh Pu Laldenga fanu te pawhin MNF leh India inremna tia an sawi an huat loh laia ama sawi an haw ta bik chu a hriatthiam loh thu a sawi bawk a ni.



PWD- SESSION

Public Works Department (PWD) Minister Pu Vanlalhlana'n Mizoramah kawng thlan bik 19 te chu fur ruahtui tam reh veleh siam tan nghal a ni dawn tih a sawi.

He thu hi vawiin Assembly Session-ah zawhna leh chhanna hunah sawiin, PWD Minister Vanlalhlana chuan Petrol leh diesel cess atangin Mizoram Sorkar chuan Public Works Department hnuaiah cheng vbc 43.25 chu kawng siamthat nan ruahman a ni a, chuta tang chuan Lawngtlai Division hnathawhna tur cheng nuai 193.43a dah a nih thu House a hrih a. Hei bakah hian PWD Minister chuan a kaihhruai department chuan Mizoram District khawpui kawng a chhia tih an hriat thu sawiin, state capital-ah bul an tan a, District kawng an hmabak a ti a. Kawng thlan bik 19 an neih te chu fur ruahtui tam reh veleh siam tan nghal a ni dawn tih a sawi a ni.



MPCC

Mizoram Pradesh Congress Committee (MPCC) chuan BJP sorkarin ram mipuite National Song Vande Mataram a vaia sak luih tir a tumna chu ram leh hnam leh sakhua a him zel theih nan an do zel dawn tih an sawi.

He thu hi vawiina Aizawl Press Club-a thuthar thehdarhtute an kawmnaah sawiin, MPCC President Pu Lalthanzara chuan tun thla ni 19-a Congress Working Committee (CWC) inhmukhawm chuan BJP Sawrkar in Vande Mataram, India mipui sak luih tir an tum chu ngun taka a ngaihtuah hnuah kum 1937 a CWC in an lo rel tawh angin hla chang 1-na leh 2-na chauh chu sak nise tiin thluthlukna an siam an ti a. Hemi thuthlukna an siam chhan chu a chang 1 na leh chang 2 na chu ram hmangaihna thu leh hla a nih lain, a chang dang erawh chu Hindu pathian Durga leh Lakshmi biakna leh fakna thu a nih avangin sakhaw dang be tu leh ringtu te tan sak a rem ve loh vang tih an sawi a ni.

Mizoram Pradesh Congress Committee chuan ram leh hnam leh sakhua a him zel theih nan Vande Mataram a vaia sak luih tir tumna chu an do zel dawn tih sawiin, India chu sakhua zalenna ram a nih angin, hnam leh sakhua inthliarna awm lova zalen taka khawsa tlang ho tur an ni tih an sawi a ni.

Byte: Mpcc president

Hei bakah hian MPCC chuan Foreign Contribution (Regulation) Amendment Bill, 2026 in a tum ber chu ram pawn atanga tanpuina hmanga minority leh Christian ten India ram mipui te tana lo din school, college, hospital leh charity home chhuanlam chi hrang hrang hmanga tihtawp leh chhuhsak tumna a ni a, a bill-ah Chiang takin a in ziah avangin Congress Party chuan tha an ti lo a, an do zel dawn tih an sawi bawk a ni.

